



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IBANGA LE-12**

**ISIZULU ULIMI LWASEKHAYA (HL)**

**IPHEPHA LESITHATHU (P3)**

**NOVEMBA 2012**

**AMAMAKI: 100**

**ISIKHATHI: amahora ama-2½**

**Leli phepha linamakhasi ayisi-6.**

**IMIYALELO KWABAHLOLWAYO**

1. Leli phepha lehlukaniwe IZIQEPHU EZINTATHU:
 

ISIQEPHU A: Indaba	(50)
ISIQEPHU B: Imibhalo emide edlulisa imiyalezo	(30)
ISIQEPHU C: Imibhalo emifishane edlulisa imiyalezo	(20)
2. Phendula umbuzo OWODWA esiqeshini A, OWODWA esiqeshini B kanye noWODWA esiqeshini C.
3. Bhala usebenzise ulimi ohlolwa ngalo.
4. Qala umbuzo NGAMUNYE ekhasini ELISHA.
5. Bhala uhlaka ekhasini lephepha lakho lokuphendula imibuzo. Uhlaka malube sekhasini lwalo lodwa. (Indaba kuphela edinga uhlaka.)
6. Ungasebenzisa isikhathi sokubhala ngale ndlela elandelayo:
 

ISIQEPHU A: Amaminithi angama-80	
ISIQEPHU B: Amaminithi angama-40	
ISIQEPHU C: Amaminithi angama-30	
7. Ungaziguquli izinombolo zemibuzo. Zibhale njengoba zinjalo ephepheni lemibuzo.
8. Nikeza impendulo yakho isihloko esiyifanele lapho kudingeka khona. Amagama esihloko awabalwa, kubalwa amagama empendulo.
9. Qaphelisisa ubhalomagama kanye nokwakheka kwemisho.
10. Bhala ngobunono nangesandla esifundekayo.
 

ISIQEPHU A: (Izindaba)	
• Ubude bendaba	
Bhala ngamagama angama-340 kuya kwangama-390.	
ISIQEPHU B: (Imibhalo emide edlulisa imiyalezo)	
• Ubude bombhalo	
Bhala ngamagama ayi-100 kuya kwayi-120.	
QAPHELA: Bhala uhlobo lwalowo mbhalo owuphendulayo.	
ISIQEPHU C: (Imibhalo emifishane edlulisa imiyalezo)	
• Ubude bombhalo	
Bhala ngamagama angama-80 kuya kwayi-100.	
QAPHELA: Bhala uhlobo lwalowo mbhalo owuphendulayo.	


**ISIQEPHU A: INDABA****UMBUZO 1**

Khetha isihloko **ESISODWA** kwezilandelayo ubhale ngaso indaba ibe ngamagama angama-340 kuya kwangama-390.

**QAPHELA:** Ungakhohlwa ukwenza uhlaka lwendaba yakho ngoba lunamamaki.

- 1.1 Bhala indaba ngalesi sihloko esilandelayo:  
*Ukujabula Engaba Nakho Mhla Ngiklonyeliswa Ngomfundaze.* [50]
- 1.2 Bhala indaba uyiphethe ngala mazwi alandelayo *'Ukube ngangazi ukuthi ...'* Sebenzisa la mazwi njengesihloko sendaba yakho. [50]
- 1.3 Bhala indaba ngalesi sihloko esilandelayo:  
*Ubuhle Nobubi Bokuba Khona Kwezimboni Zaphesheya ENingizimu Afrika.* [50]
- 1.4 Bhala ngengwadla ebhekene nabaculi kanye nabalingisi eNingizimu Afrika ngenxa yokuqoshwa kanye nokudayiswa kwemikhiqizo yabo ngokungemthetho.  
Yinike isihloko indaba yakho. [50]
- 1.5 Bhala indaba usebenzise lesi saga esilandelayo njengesihloko sendaba:  
*'Isalakutshelwa Sibona Ngomopho'.* [50]
- 1.6 Bhala indaba uvumelane noma uphikisane nalesi sihloko esilandelayo.  
*Ukuthuthuka Ngesivinini Kwezobuchwepheshe Kubhebhethekisa Ubugebengu Kuleli.* [50]

1.7 Bukisisa lesi sithombe esingezansi bese ubhala indaba ngaso. Yinike isihloko indaba yakho.



[Drum, 29 September 2011]

[50]

1.8 Bukisisa lesi sithombe esingezansi bese ubhala indaba ngaso. Yinike isihloko indaba yakho.



[Move!, 29 June 2011]

[50]

**AMAMAKI ESIQEPHU A: 50**

**ISIQEPHU B: IMIBHALO EMIDE EDLULISA IMIYALEZO****UMBUZO 2**

Khetha isihloko **ESISODWA** kwezilandelayo ubhale ngaso kube ngamagama ayi-100 kuya kwayi-120.

2.1 Bhala **incwadi** uyibhekise kuMphathi wenkampani ehambisana nomsebenzi owufundelayo umcele ukuba akuvumele uzosebenza okwesikhashana njengevolontiya (usebenze ngaphandle kokukhokhelwa). Lokhu kuzokusiza ukuze kuthi uqambe uqeda ukufunda ube usunolwazi ngalo msebenzi. **[30]**

2.2 Umakhelwane ushiywe indodana yakhe ngokukhulu ukuzuma. Ukucelile ukuba umelekelele ekubhaleni umlando wendodana yakhe.

Bhala **umlando** kamufi. **[30]**

2.3 UnguMhleli wephephabhuku lesikole ofunda kusona.

Bhala **ingosi yoMhleli (i-editoriyali)** uphawule ngokuphumelela kwabafundi besikole sakho kwezemidlalo enhlobonhlobo. **[30]**

2.4 USodolobha wangakini unakhele umtapo wolwazi ovulwa ngehora lesi-7 ekuseni, uvalwe ngehora lesi-3 ntambama. Ngezimpelasonto nangamaholide okuvalwa kwezikole awusebenzi lo mtapo wolwazi. Yinnye ikhompuyutha esetshenziswayo kulo mtapo wolwazi.

NjengoNobhala oqokwe yintsha bhala **indabambiko (imemorandamu)** enizoyithumela kuSodolobha ukwethula izingqinamba enihlangabezana nazo ekusebenziseni lo mtapo wolwazi kanye nezisombululo eniziphakamisayo. **[30]**

**AMAMAKI ESIQEPHU B: 30**

**ISIQEPHU C: IMIBHALO EMIFISHANE EDLULISA IMIYALEZO****UMBUZO 3**

Khetha isihloko **ESISODWA** kwezilandelayo ubhale ngaso kube ngamagama angama-80 kuya kwayi-100.

- 3.1 Abazali bakho bazohambela ingqungquthela yoSomabhizinisi. Babone kukuhle ukuba bahambe nawe.

Bhala **idayari** yezinsuku eziyisi-5 uhlele kahle izinto ozobe uzenza njengoba wena uzobe ungeyona ingxenye yale ngqungquthela. [20]

- 3.2 UnguMbhidisi wekhwaya yentsha yangakini. Nizoba nohambo oluzothatha izinsukwana ukuyoqhudelana namanye amakhwaya.

Bhala **imiyalelo** ozoyinika onke amalunga ekhwaya ukuze azi ukuthi kulindelekeni kuwona kulolu hambo. [20]

- 3.3 Uyilungu lekomidi elihlela usuku oluvulelekile lokukhangisa ngesikole senu ikakhulukazi kubafundi bebanga lesi-7 enihlose ukuthi bazobhalisa kulesi sikole ngaphambi kokuphela konyaka.

Bhala **iphosta** ezokhangisa ngesikole senu. [20]

**AMAMAKI ESIQEPHU C: 20**  
**AMAMAKI ESEWONKE: 100**